

LEB

LENGOAIA ESZENIKO BERRIAK

PROGRAMALEB 25 - EGIN

**IRAKURKETA
DRAMATIZATUAK.
WORK IN PROGRESS
ERAKUSTALDIAK**

DEIALDIAREN OINARRIAK





IRIARTEA PILEZ Elkarteak, **LEB 2025 PROGRAMAREN** sustatzaile denak, landa ingurunean, Elizondon, Baztanen, bost irakurketa dramatizatu eta/edo sormen-prozesuen erakustaldi egiteko antzerkigile, sortzaile eta artistei zuzendutako deialdia egiten du. Proiektu honek Innova Programaren babesa du, Fundación Caja Navarra eta “la Caixa” Fundazioek bultzaturik.

1. HELBURUAK

LEB EKIN proiektuak, sormen-prozesuetan zehar, sortzaileen eta publikoaren arteko elkarriketa sustatzea du helburu. Forma eta poetika berriak bilatzen dituzten lanen aldeko apustua egiten du LEB EKINEk. Lengoaia Eszeniko Berriak (LEB) aldarrikatuz.

Zertaz mintzo gara “Lengoaia Eszeniko Berriak” edo “eszenako abangoardia” aipatzen dugunean? Batez ere, sormen arriskuen onarpenaz. Zentzu zabal batean ekiten diogu ideia honi narrazioak, diskurtsoak eta/edo sinboloak estutu, ezabatu, zalantzan jarri, berrinterpretatu, irauli edo transposatzeko prest. Baita ere, publikoarekiko harremana birpentsatu, edota sormenerako medio diren gailu ezberdinak berrantolatzea proposatzen dugu. Besteak beste, kanalak, kodeak, hitza, gorputza, objektuak, denbora, espazioa, materia... Azken batean, eszenako ikur-joko bat da, kanonak eta formatuak gainditzeko asmoz.

2. PRINTZIOPIO ETA BALOREAK

LEB 2025 PROGRAMA feminista, queer, inklusiboa, integratzailea, solidarioa, irisgarria eta nazioartekoa da. Printzipio hauek jorratzen dituzten proiektuek — bai gaietetan, ikuspegietan, tratamenduetan, zein diskurtsotan edota hausnarketa kritikoak eginez— balorazio positiboa izango dute.

Ustegabeko topaketak eragin nahi ditugu eta, horien bitartez, norantza anitzetako eza-gutza trukaketa sustatu ere. Horregatik, deialdi honek sortzaile eta publikoaren arteko bideak zabaltzeko nahi ditu gizarte-itzulkinaren printzipioa kontuan hartuz.





3. NORK PARTE HAR DEZAKE?

Dramaturgoek, konpainiek, kolektiboek eta eszena-artistek parte har dezakete, baldin eta abangoardiazko kodeetan lan egiten badute eta sormen-prozesuetan murgilduta badaude, edo estreinatu gabeko lan bat badute eta hori publikoarekin kontrastatu nahi izan ezker.

Parte-hartzaileek beraien lanen Intelektualezko eskubideen jabetza izan beharko dute, eta beste inorren eskubiderik urratzen ez dutela bermatu ere. Horrelakorik gertatuz gero, legezko erantzukizuna beren gain hartu beharko dute.

4. ZER ESKAINTZEN DUGU ETA ZER BILATZEN DUGU?

2026ko urtarriletik maiatzera bitartean, hilean behin (egunak zehazteke daude), Elizondon (Baztan, Nafarroa) irakurketa dramatizatuak eta Work in Progress erakustaldiak egingo dira, sortzaileen eta publikoaren arteko elkarriketa sustatzeko.

Work in Progress kontzeptuak edozein fasetan amaitu gabe dauden prozesuei egiten die erreferentzia. Artistak beren helburu, desio, asmo, beldur eta zalantzen partekatze-ara gonbidatzen ditugu, normalean ikusleengandik ezkutuan geratzen den guztia agerian uzteko.

EKIN ekintzara deitzen duen aginterazkoa da. Horixe da proposatzen duguna: ekitea, artistak sormen bakardadetik ateratzea eta publiko erreala aurrean izanik harreman zuzena eta aberasgarria sortzea.

Guztira bost proiektu hautatuko dira. Konpainiek dituzten behar tekniko-artistikoen gastuak beren gain hartu beharko dituzte. Ez dugu ekoizpen handirik bilatzen, ezta ikuskizunak programatzea ere. Irakurketa sinpleak, entsegu-erropetako erakustaldiak eta publikoarekin elkarriketa zuzena defendatzen ditugu.

Proiektuak formatu txikikoak izan behar dira eta antzokiz kanpoko espazioetan gauzatu dira, baliabide teknikorik gabe, aforo txikiarekin eta sarrera librean.

Euskara zein gaztelaniaz egin daitezke proposamenak. Gizarte-inklusioaren ikuspegitik lan egiten duten konpainiek, ezgaitasunen bat duten edo gizarte-bazterkeria arriskuan dauden pertsonak taldeetan integratzen dituztenek, balorazio positiboa jasoko dute.

LEB EKIN programazioan genero-paritatea bermatuko da (%40-%60 tarteko desbi-deratzea onartuz). Balorazio horretarako proiektuaren buru den pertsonaren generoa hartuko da kontuan.





Parte-hartzaileek fakturatzeko gaitasun juridikoa eduki behar dute. Ordainsaria modura, hautatutako proiektu bakoitzari 320€ emango zaizkio (BEZa barne), bidaia, ostatua edo dieta gastuak estaltzeko. Ordainketa jarduera egin ondoren egingo da.

LEB EKINeko antolatzaileok irudiak, bideoak eta audioa dokumentatu eta zabaltzeko eskubidea izango dugu, bai deialdi honek babestutako sormen prozesuei dagokienez, bai LEB 2025 PROGRAMAREN esparruan egingo diren jarduerari dagokienez.

5. AURKEZTU BEHARREKO DOKUMENTAZIOA

Hautagaitza telematikoki bakarrik aurkeztu ahal izango da, **www.programaleb.com** webgunean eskuragarri den formularioa bete ezker. Ez da beste bideetatik jasotako proposamenik onartuko.

Formularioa bete ondoren, PDF formatuan dokumentu bakarra atxiki behar da, honako informazioarekin:

- Motibazio-gutuna: Zer ekar diezaioke deialdi honek aurkeztutako proiektuari eta zer ekarpen egingo dio proiektutak komunitateari (balio-proposamena, itzulera soziala, publikoarekin ezarri nahi den elkarriketaren markoa eta gaiak)?
- Proiektuaren izenburua eta deskribapena: nola gauzatu nahi da erakustaldia eta zein behar daude?
- Jardueraren gutxi gorabeherako iraupena.
- Irakurketa dramatizatu baten kasuan, testu osoa beharko da. Bestela, eszenaratuko den proposamenaren oinarri dokumentala.
- Konpainiaren eta/edo taldeko kideen curriculum-a eta ibilbidea.
- Beste material batzuetarako estekak (webguneak, argazkiak, bideoak...).

Eskaerak aurkezteko epea 2025eko azaroaren 30ean bukatuko da, 23:59etan. Une horretatik aurrera, aplikazioa automatikoki itxiko da. Epea ez da luzatuko.

Hautaketa-prozesuan, aurkeztutako proposamenaren egokitasuna baloratuko da LEB 2025 PROGRAMAREN helburuei eta balorei dagokienez.

Hautatutako pertsonak beharrezko informazio osagarria aurkeztu beharko dute, antolakuntzak eskatzen badu.





6. DATUEN BABESA

Hautatuak izan ez diren proiektuei buruz bidalitako dokumentazio guztia hautaketa-batzordearen erabakiaren ondorengo hogeita hamar (30) egunetan baino ez da gordeko. Informazio horrek izaera konfidentziala du, eta ezingo zaie hirugarrenei jakinarazi edo beste helburu batzuekin erabili, salbu eta indarrean dagoen legeriak aurreikusten dituen salbuespenetan.

Europako Parlamentuaren eta Kontseiluaren 2016ko apirilaren 27ko 2016/679 (EB) Araudiak eta abenduaren 5eko 3/2018 Datu Pertsonalak Babesteko eta Eskubide Digitalak Bermatzeko Lege Organikoak ezarritakoarekin bat etorritik, deialdi honetan parte hartzen dutenek emandako datu pertsonalak IRIARTEA PILEZ Elkartearen titulartasuneko fitxategi baten parte izango dira. Datu horiek ondorengo jardueretarako erabiliko dira: hautaketa-batzordeari jakinaraztea, komunikazioetarako, kudeaketa administratiborako, zor zaizkien zenbatekoak ordaintzeko, ebazpenaren argitalpena egiteko (Interneten), jardueren memoriak osatzeko eta horien publizitatea egiteko, edo deialdiaren garapenarekin lotutako beste edozein kudeaketarako.

Datu pertsonalen babesaren oinarritzko eskubidearen titularrek honako eskubide hauek baliatu ahal izango dituzte: datuak eskuratu, zuzendu, ezabatu, mugatu, aurka egin, datuen eramangarritasuna eskatu eta erabaki automatizatuen menpe ez egoteko eskubidea. Eskubide horiek baliatzeko, interesdunek eskaera bat bidali beharko diote IRIARTEA PILEZ Elkarteari, honako helbide honetara: IRIARTEA (diseminatua) Etxaide Auzoa, Elizondo 31700, Baztan (Nafarroa), edo mezu elektroniko bidez: info@iriarteapilez.com.

Idatzian interesdunaren identifikaziorako beharrezkoak diren datuak agertu beharko dira, eskatutako eskubidea, arrazoiak eta eskaera bera zehaztuta, eta NANaren fotokopia erantsita.

7. APLIKAGARRIA DEN ARAUDIA

Parte-hartzaileek deialdia sustatzen duten erakundeak salbuesten dituzte plagiotik edo parte-hartzaileek indarrean dagoen legedia urratzeagatik sor daitezkeen beste edozein erantzukizunetik.

Erreklamaziorik edo gatazkarik izanez gero, parte-hartzaileek eta antolakuntzak Nafarroako epaitegien jurisdikzioaren mende egon beharko dute.





LEB 2025 PROGRAMAREN antolakuntzatik oso kontziente gara lan-ingurune duin bat bermatzeko dugun erantzukizunaz, non pertsonen duintasuna eta emakumeen eta gizonen arteko berdintasuna errespetatuko diren. Horretarako, genero-indarkeriaren eta indarkeria sexualaren aurkako babesa bermatzeko neurriak jasotzen dira.

Antolakuntzak konpromisoa hartzen du emakumeen aurkako eta/edo LGTBQ+ kolektiboen aurkako indarkeria matxistaren edozein adierazpen identifikatu eta geldiarazteko, betiere biktima zaindu, babestu eta laguntza ematen dion protokoloa aplikatuz, eta gertakariak berehala, agintari eskudunen aurrean salatuz.

8. OINARRIEN ONARPENA

Deialdi honetan parte hartzeak oinarri hauen ezagutza eta onarpen osoa dakar berekin.




LEB

LENGOAIA ESZENIKO BERRIAK

PROGRAMALEB.COM

info@programaleb.com · 670 410 654



ANTOLATZAILE



IRIARTEA
PILEZ

Abangoardiako Sorkuntza Zentroa
Centro Creativo de Vanguardia

LAGUNTZAILE



innova

Un programa de:



Fundación "la Caixa"